

քում պատահած լինի այդպիսի դէպք, բայց կարելի է հաստատ ասել, որ այդպիսի սոսկալի գործողութիւն կատարելուց առաջ մայրը կորցրած պէտք է լինի հոգեկան կարողութիւնը: Միմիայն խեղազար մայրը կարող է իւր ծնոքով սպանել իւր զաւակին. այն էլ տնտեսական պատճառներից դրդուած: Առանց այս չափազանցութեան՝ «նորածին մանուկը» աղքատ դասակարգի իրական ու կենդանի պատկերն է ներկայացնում և ցոյց է տալիս հեղինակի սուր դիտողութիւնն ու ժողովրդի կեանքին մօտ ծանօթ լինելը: Գրքոյկը կարդացւում է հետաքրքրութեամբ. լեզուն պարզ ու ողորկ է:

ԲՐԻՉ

Ե. ԳՐԻԳՈՐ ՎԱՆՑԵԱՆ «Հայ հեղինակներ», ընտիր հատուածներ, միջնակարգ պարոնների համար: Թիֆլիս, 1905 թ.

Պ. Վանցեանի այս աշխատութիւնը գալիս է լրացնելու մեր դպրոցական ձեռնարկների մէջ մի շատ խոշոր բաց: Մինչև այժմ կազմուած այդ տեսակի ընտիր հատուածների ժողովածուներից և ոչ մէկը չի համապատասխանում իւր նշանակութեանը: Կազմողները մեծ մասամբ եղել են կամ հայ գրականությանը ոչ բաւականաչափ ծանօթ անձինք կամ անճաշակ կամ միակողմանի և կուսակցական հայեացքների տէր:

Պ. Վանցեանը աշխատել է լինել բազմակողմանի և անկախ որ և է բռնադուստիկ տենդենցիայից և այս կարելի է ասել յաջողուել է նրան: Նրա գիրքը, որ բաղկացած է 262 մեծագիր էջերից, պարունակում է հատուածներ ուսանայ գրեթէ բոլոր հայ հեղինակներից, սկսած ամենայայտնիներից մինչև անյայտները: Կան հատուածներ և տաճկահայ գրողների գրուածները:

Յայտնի գրողների հատուածներին կցած են և՛ նրանց կենսագրութիւնները, սակայն շատ համառօտ և՛ թերի: Նրանում է, որ կազմողը մի փոքր շտապ է գործել: Պէտք է յուսալ, որ միւս հատորները, նաև ներկայ հատորի երկրորդ տպագրութիւնը կը լինեն աւելի լիակատար:

ՍՏԱՑՈՒԱԾ ԳՐԻՔՆՐ.

Գրիգոր Վանցեան, Հայ հեղինակներ. ընտիր հատուածներ միջ-